

國家圖書館藏

清代孤本方志選

綾裝書局



國家圖書館分館編

清代孤本方志選

(第一輯第二十冊) 江西 南安府志「康熙」二十卷首一卷(一)



南安府志序

畿省郡邑之有志猶國之有史
也史以紀興衰治亂志以載人
物版章其名不同而義則一所
貴乎詳而不遺直而不阿彬彬

乎文有其質而後可以行之天下垂之後世以示典則焉然自古迄今帝王御宇於史設有專官俾加討究罔敢缺畧而獨是郡縣之志地方長吏視爲無關

重輕置而不講而其地又乏掌
故之士爲之條紀而目載焉遂
使采風者興寡陋之譏而攷古
者有無徵之嘆豈不爲君子之
羞哉我

皇上文教誕敷暨於溥海內外往
者康熙二十二年癸亥

詔命纂修一統通志時江西有司
既摺撫哀輯薈爲一書劄劄進
呈矣而南安郡之志自丙辰兵

燹蕩燬無遺三十年以來抱殘
守缺竟無過而問焉者余來撫
豫章拳拳以之爲念去年春郡
守陳君蒞任慨其書之將墜引
爲已責亟謀脩舉迺未幾而遽

以病亾署篆者爲郡佐遲君慨
然能繼陳之志訪求殘本采輯
舊聞疑者闕之失者補之諮之
人而裁之已不數月而告成請
正於余且乞一言序其端余嘉

其意之有在而披覽之見夫畱
連於古昔變遷之理時代損益
之宜探其源流而不使有附會
詳其真實而不使有雷同與夫
山川之形勢人物之汗隆莫不

條分縷晰瞭若指掌嗚呼此書
成庶幾不負此郡矣夫南安據
西江上游與贛郡相表裏挈閩
廣而左右之實爲江省之要區
記余於昔年以公期赴粵道經

其地眺梅關而俯章水扶輿清
淑之氣薈萃於此余因之低徊
而不能去今觀此書猶恍然在
睂睫間也余由是而益嘉陳遲
二君之志焉

康熙四十九年歲次庚寅孟秋

穀旦

巡撫江西等處地方兼理軍務

都察院右副都御史加四級

廣寧郎廷極撰

郎序

六



郎序印

蘇
子
知
無

南安府志序

國朝文教聿隆典冊大脩上而金
匱石室之藏下及山經海志之細
罔不收羅修葺流傳不朽其在郡
志尤所以編季紀實與國史相表
裏者也顧可缺哉南安亦古名郡

舊志稱三國吳嘉禾間始置爲縣
至故明洪武初由路改府隸江右
郡之有志肇自前代由來已久中
以兵燹之餘蕩然無復有存今署
篆司馬遲君慨然續修之而以序
屬余余惟南安屬在南荒地褊而

瘠然縮吳楚閩嶠邊徼之衝凡檄
使之宣布貢篚之獻納莫不取道
于此蓋亦往來一大都會也其俗
雖無輕浮靡麗之習而崇信巫鬼
性好躑爭前代張東海先生輩明
導而潛禁之其風稍息